

RECTOR
ACADEMIAE LIPSIENSIS
SACRA PENTECOSTALIA

A. D. XII. M. MAII A. R. S. 1619ccxcix

IN
AEDE ACADEMICA
PIE ET RELIGIOSE
CELEBRANDA

INDICIT

SPICILEGIUM XXVIII.

*Autographorum, illustrantium rationem, quae intercessit
Erasmo Roterodamo cum aulis et hominibus aevi sui
praecipuis omnique republica.*

LECTOR

AND ACADEMIC LIBRARIAN

ALMA MATER SOCIETY

OF THE UNIVERSITY OF CALIFORNIA

AND THE UNIVERSITY OF MICHIGAN

LIBRARY

OF THE UNIVERSITY OF CALIFORNIA

AND THE UNIVERSITY OF MICHIGAN

LIBRARY

OF THE UNIVERSITY OF CALIFORNIA

AND THE UNIVERSITY OF MICHIGAN

LIBRARY

GERMANI BRIXII,

Archidiaconi Albiensis, Reginae Galliae à Secretis, tandem
Canonici Parisiensis, Epistolae tres, AA. 1527.
et 1530. ad Erasmus datae,
ex Autogr.

De hoc viro vid. *Erasmi Operum* Tomus III. Lugd. Bat.
1703. fol. *Conradi Gesneri* bibliotheca, *Pauli Iovii* elogia do-
ctorum virorum, *Scaeuolae Sammarthani* elogia Gallorum Se-
culo XVI. doctrina illustrium, etc.

GERMANVS BRIXIVS, (*Germain de Brie*,) honesto loco
natus *Antissiodori* Galliae, (*Galli Auxerre* vocant,) in Poësi
lauream meruit, et inter eos refertur, qui primi ex Italia lit-
teras elegantiores in Galliam transtulerunt. De sua in *Italia*
commoratione loquitur ipse, in epistola ad Erasmus scripta
Parisiis 6 Aprilis A. 1516. T. III. Opp. Er. p. 192. ep. 212. Con-
ferantur ea, quae dicit de se *Romae* versante, in epistola ad
Erasmus anno 1530. data, et nunc ex Autogr. edenda. In
Graecis praeceptore usus est *Marco Musuro*, Cretensi ¹⁾, quem

A 2

aliquot

¹⁾ *Marcus Musurus*, Rethymnae
(*Retymo* vocant) in *Creta* seu *Candia*
insula natus, fuit Archiepiscopus

Graecus *Maluasiae* in Peloponneso,
(hodie *Morea*.) Exsul propter Tur-
cas, ab anno 1453. *Pazani* (h. *Pa-*
dua)

aliquot annos *Patauii* docentem audiuit. Et praeunte *Iano Lascare*, viro Graeco ²⁾, quem hospitio frequens excipiebat, Graecos Poëtas omnes diligentissime perlegit.

Guil. Budaeus, in epistola ad Erasmus data Parisiis, Ramaliorum die A. 1516. (T. III. Opp. Er. in Append. p. 1557. ep. 60.) scribit: „*Germanus Brixius, Archidiaconus Albiensis* ³⁾, „*tuus olim discipulus*, tibi plurimum fauet. Nunc est *Reginae a Secretis* ⁴⁾. — *Doctus est utraque lingua.*“ Testatur etiam Thomas Morus, in epistola 555. Londino A. 1520. ad Erasmus data, p. 614. *Reginae Galliae à Secretis* fuisse Brixium. Fuit tandem *Canonicus Parisiensis*, testibus Gesnero aliisque.

Inter *Sadoleti* epistolas exstant nonnullae ad *Brixium* datae. Ipse multa Ioannis Chrysostomi scripta latine vertit. Leguntur et graeci aliquot versus eius. Cum *Thoma Moro* habuit controuersiam, librumque suum *Antimorum* inscripsit.

De hoc libro notentur verba *Erasmi*, in epistola 503. ad ipsum *Thomam Morum* data Antuerp. 26. Aprilis A. 1520. p. 547. „Sperabam, meas litteras aliquid ponderis habituras, fuisse apud *Brixium*. Sed ecce prodiit ac prostat hic *Antimorus* eius, qui liber, vellem auctoris ipsius causa, — aut „perpetuo latuisset, aut certe *Brixius* fuisset imitatus tuorum „epigrammatum modestiam ac ciuilitatem; quae et ipsa tamen „optas-

dua) in Italia litteras graecas docuit; latinae quoque linguae peritus fuit, vt et Philosophus ac Poëta. *Romae* et *Veneriis* etiam graecas litteras instaurauit. Tandem *Romae* anno 1517. mortuus est, paulo ante a *Leone X.* creatus Archiepiscopus. Hic *Aristophanem* et *Athenaeum* primum graece cum scholiis, aliaque edidit. Vid. *Erasmi* Opp. T. III., *Papadopoli* hi-

storia gymnasi patauini, Iouii elogii, Bayle diction. hist. et crit., *Fabricii* biblioth. graeca.

2) De *Iano Lascare* vid. *Spicil.* XXIII. p. 15. n. 11.

3) In Languedociae vrbe *Allia*, siue *Albiga*, gall. *Alby*.

4) Nimirum *Claudiae*, *Francisci I.* Regis Galliae vxoris, filiae *Ludouici XII.* et *Annae Britannicae*.

„optassem nunquam potius essent edita, quam vt hic tumultus tragicus inter vos fuisset excitatus, non sine dispendio bonarum litterarum, etc.“ Conf. eiusdem *Erasmii* epistola 511. ad *Brixium*, Antuerp. 25. Iun. A. 1520. p. 557. sequ. Epistola 519. ad *Budaeum*, Antuerp. 9. Aug. 1520. p. 568. sequ. Add. *Thomae Mori* ad *Erasmm* epistola 555. Londino A. 1520. data, omisso die, p. 611. seqq.

Erasmus etsi *Morum* et *Brixium*, in epistola 519. ad *Budaeum*, vocat *insignes Musarum Mystas*, *utrumque amicum*, ac *Brixium coniunctissimum*; tamen ei adeo displicuerat *Brixii Antimorus*, vt in epistola 609. ad *Hermannum Frisium*, Louan. A. 1521. p. 684. scriberet: „Amo *Brixii* ingenium non vulgari-ter, phrasin admiror, sed vtinam exerceret utrumque in argumento plausibiliore! — Illud curandum *Brixio*, ita stilum temperet, vt non solum eruditus, verum etiam vir bonus, et aequus habeatur. Consulat amicos suos graues et eruditos, *Budaeum*, *Deloium*, *Ruseum* et *Ruellium*, potius, quam iuuenilem animi impetum. etc.“

De *Brixio* infectante etiam *Ioannem Oecolampadium*, Theologum Basileensem, *Vlrici Zuinglii* Pastoris Tigurini defenso-rem, loquitur *Erasmus* in epistola 991. ad *Liuinum Ammonium* Cartusiensem, Basil. 2. Oct. 1528. p. 1127. Conf. *Brixii* ipsius epistola, Lutet. VI. Id. Maii A. 1527. ad *Erasmm* data, et nunc ex Autogr. edenda.

Caeterum, testibus scriptoribus, *Brixius* fuit in omni vitae cultu ciuilis et splendidus. Sed inclinante iam aetate inuasit eum atrae bilis morbus. In hac aegritudine suspicionum terrorumque plenus, quum ex accumulato multo auro dimidiam fere partem furto sibi subtractam miser sensisset a domesticis, quibus nec vitam quidem postea credidit; dum ab Aula,

quae tum apud Blaefios (gall. *Blois*) agebat, Lutetiam reuertitur, in agro Carnutenfi (gall. *Chartres*) iuxta Ligerim (g. *Loire*) expirauit.

In Erasmi Operibus Tomo III. editae leguntur GERMANI BRIXII tres ad *Erasmum* epistolae. Epistola 212. scripta Parisiis 6. Aprilis A. 1516. p. 191. seqq. Epistola 968. ex hortis nostris Gentiliacis 12. Augusti A. 1528. p. 1091. seqq. et Epistola III4. Parisiis 6. Iulii A. 1530. p. 1294. sequi.

Idem Tomus exhibet duodecim ERASMI ad *Germanum Brixium* epistolas. Vid. Epistola 359. data Louan. A. 1518. sine die, p. 376. sequi. Epistola 511. Antuerp. 25. Iunii A. 1520. p. 556. seqq. Epist. 752. Basil. 25. Aug. A. 1525. p. 883. sequi. Epist. 785. Basil. Anno 1525. omisso die, p. 904. sequi. Epist. 872. Basil. postridie Pentecostes, siue 10. Iunii, A. 1527. p. 985. sq. Epist. 981. Basil. 6. Sept. A. 1528. p. 1113. seqq. Epist. 984. ibid. 21. Sept. 1528. p. 1121. sq. Epist. 1000. Basil. A. 1528. sine die, p. 1134. sequi. Epist. 1091. apud Friburgum 30. Ian. A. 1530. p. 1262. seqq. Epist. 1100. apud Friburgum Brisgoiae 27. Martii A. 1530. p. 1280. sequi. Epist. 1135. ibid. 5. Sept. 1530. p. 1308. seqq. et Epistola 1239. Friburgo Brisgoiae Anno 1532. omisso die, p. 1458. sequi.

Tres nunc GERMANI BRIXII ad *Erasmum* ex Autogr. in lucem prodeunt Epistolae, quarum *prima* scripta est *Lutetiae*, VI. Id. Maii, siue die 10. *Maii*, Anno 1527. (vid. Index h. a. n. 9.) Sermo est de *Brixio* ipso, et variis *rebus litterariis*; de *Erasmi* epistola ad *Regem Lusitaniae*, Brixium laudante; de aliis *rebus litterariis*; de *Oecolampadio*, qui reprehenditur; de *Lupseto*; de *Reginaldo Polo*; de *Thoma Moro*, cum quo fuerat *Brixio* controuersia; de itinere in *Angliam* forte faciendo a
Brixio,

Brixio, eodemque in gratiam redituro cum *Thoma Moro*; de *Erasmo*, eiusque *scriptis* et *aduersariis*.

Germanus Brixius Erasmo Roterodamo.

Quum peregre agerem, allatae mihi sunt litterae tuae, expectatissimae quidem illae ac desideratissimae ¹⁾). Deinde, quum paulo post ad urbem reuertissem, adiit ad nos is, cui tu eas mihi reddendas commiseras, qui ipse librum a te acceptum mihi nomine tuo dono dedit. Quod quidem donum, per se gratum, hoc ipso gratius etiam fuit, quod inter tuas vigilias, cultissimas quidem illas ac doctissimas, (eas enim iam bona ex parte excussimus,) et nostris quoque lucubrationibus qualibuscunque, hoc est versioni nostrae *περὶ τῆς ἐξωπύνης* ²⁾), locum, tum ornatissimum, tum accommodatissimum, tribueris. Eas enim statim subiecisti verbae a te Chrysostomi homiliae in Acta tertiae, sub cuius finem Chrysostomus per occasionem exspatiens, quae ad sacerdotis partes spectant, ea ita tractat, ut videatur vel locus ille totus pendere ab iis, quae in opere a me verso copiosissime tractauit, vel opus a me versum ab eo loco homiliae tertiae bona ex parte pendere, ut nulla abs te fieri potuerit commissura, quae magis cohaereret. Gratiam autem eam, quam dico, felicitati a te operi meo inter tuas vigilias loci, apud me auxit tua ad Lusitaniae Regem ^{*)}) epistola, in qua, ut apud te ingenue, quod verum est, fatear, animum meum mire affecit tuum illud de me testimonium, in quo tu *παῦρα μὲν, ἀλλὰ μάλα λιγέως*. Placet enim, ad Hectoris Naeuiani exemplum, laudari a laudato viro;

1) Perisse videntur illae *Erasmi* ad Sacerdotio.
Brixium litterae.

*) Iohannem III, qui regnavit ab a. 1521 — 1557.

viro; cui ego insuper addo, quod mihi a te contigit, et apud laudatum virum, eundemque non inferioris notae Regem. Vetus est illud: *τιμώμενοι πάντες ἡδονται βεγοί*. Iam vero, quod tu me ad parandam nomini nostro immortalitatem hortaris, quam quidem nulla melius via obtingere posse, quam vertendis Chrysostomi scriptis, demonstras; facis tu quidem amice ac beneuole, qui Brixii gloriae vsque adeo non inuides, vt illum etiam in istius felicitatis partem aduoces, in partae iam tibi aeternitatis consortium inuites; delata etiam illi ac concessa eorum organorum particula, per quae haud ita magno negotio eo pervadere possit. Vtinam, candidissime Erasme, posteaquam tua mihi hortatio stimulos addit, eosque non mediocres, facitque, vt alia item eiusdem generis maiora audeam, qui videam scilicet, susceptos mihi semel labores summi in huiusmodi palaestra nomothetae fauore ac plausibus non carere; vtinam, inquam, graue tibi nequaquam foret, Chrysostomi commentarios graecos, vel in epistolam ad Galatas, vel in duas ad Corinthios epistolas, quos vtrosque in manibus tuis esse significas, Frobenio isti excudendos tradere! Nam si qua mihi vtriuslibet commentarii copia fieret, sic ego certe in eorum altero vertendo lubens defudarem, vt a te in altero laborante vinci, mihi haudquaquam dedecoratum pudendumue putarem; satis esse ad nominis huius gloriam ratus, te aemulari, tua post vestigia sequi, tibi longo, sed proximus interuallo et esse, et haberi. Nam et Babylae quoque vitam³⁾, quam te iam Frobenio⁴⁾ graecis formis excudendam tradidisse scribis, vbi primum ea in manus nostras peruenerit, lati-

3) Scriptam a *Chrysostomo*.

Ioanni Frobenio, Typographo celeberrimo Basileensi, successit filius,

4) Hoc ipso anno 1527. mortuo

Hieronymus Frobenius.

latinam facere aggrediar; si quidem verum esse deprehendero, (id quod tamen verum esse non diffidimus, te praesertim alseueratore,) Oecolampadium ⁵⁾ interpretem in multis dormitauisse, qui utique mihi alioquin suspectus semper fuit in iis omnibus, quae vertenda suscepit, ob linguae vtriusque, dicam audacter quod sentio, paupertatem; ut taceam, quod epistola tua indicat, quodque multo ante tempore, quam ea mihi lecta esset, me Lupsetus submonuerat, pleraque esse a viris doctis in Oecolampadii versionibus deprehensa, quae ille ad improbata bonis dogmata deprauans detorsisset ⁶⁾. Est enim mihi iam Lupsetus ⁷⁾ non vulgariter studiorum nomine coniunctus, cuius et animi candor et sermonis gratia tanta apud me fuit, ut ultro illustrem mihi locum obtulerit in amicitia cum suo illo Maecenate, Reginaldo Polo ⁸⁾, cuius epistola tua mentionem infert, contrahenda, quem ipsum Polum ⁹⁾ tute iam huc aduenisse sperabas, dum epistolam scriberes, quum tamen adhuc apud suos Anglos viuat, breui

5) Ioannem Oecolampadium, Theologum Basileensem, facientem cum Zuinglio Tigurino; anno 1531. mortuum, paullo post obitum Zuinglii.

6) Conf. Erasmi epistola ad Liuinum Ammonium Cartusiensem, Basil. 2. Oct. 1528. scripta, (T. III. Opp. ep. 991.) ubi p. 1127. haec leguntur: „Germanus Brixius vertit Babyllam, plenisque velis inuectus est „in Oecolampadium, applaudentibus „Theologis.“

7) Thomas Lupsetus, Anglus, a. 1531. mortuus, cuius duae ad Erasmus epistolae apud nos latent; v. Index epistolar. ad Er. autogr. A.

1521. n. 2. A. 1525. n. 9. Editas varias exhibet Tomus III. Opp. Erasmi, cum huius variis ad Lupsetum litteris. Conf. Spicil. XIX. p. 17. n. 38.

8) Reginaldo Polo, (Pool,) Anglo illustri, a. 1500. nato; posthac ab a. 1538. Cardinali, ab Henrico VIII. Rege Angliae proscripto, a Maria Regina restituto, tandem Archiepiscopo Cantuariensi, Londini a. 1558. mortuo. Conf. Spicil. XIX. p. 18. n. 39.

9) Tres Erasmi ad Polum epistolas, annis 1525. 1526. et 1531. scriptas, exhibet Tomus III. Opp. Erasmi.

breui huc aduenturus. In cuius fane amicitiam eo cupidius in-
finuari concupisco, quum e Venetiis bibliothecam attulisse eum
audio graecorum voluminum copiosissimam. Quod ad Mo-
rum¹⁰⁾ spectat, quidnam, quaeso, aliud tibi hic ego scribere
possim, quam quod identidem scriptis etiam editis sum testatus,
me ab illius amicitia, etiamsi immeritum me grauitur offenderit,
nequaquam abhorreere, te potissimum interprete, ac veluti pa-
tre patrato, a cuius fane voluntate honeste dissentire non pos-
sum. Tantum enim animi inductio, et mehercule amor erga
te meus, apud me valet, vt, quae tibi honesta factu videntur,
quaeque ipse vis, ea mihi omnia et recta, et vera, videantur.
Itaque in componenda mecum cum Moro amicitia ἔρξον ὅπως
ἐθέλεις, καὶ σοὶ φίλον ἔπλετο θυμῷ. Nam ego sequar non inui-
tus, qua ipse praeieris, vt qui alioqui etiam vltro animum ad
Mori amicitiam inclinatum hoc maxime tempore geram, in quo
nimirum, quod videam, Regi nostro Francisco cum Britanniae
Rege Henrico mire conuenire, insulae illius per huiusmodi oc-
casionem inuifendae desiderium identidem me subit; qua etiam
in peregrinatione, nisi si quis illam mihi casus eripiat, omnino
constitui, ad ipsummet Morum (cuius gratiam raram, atque
adeo primariam, tum apud Regem¹¹⁾), tum apud Cardina-
lem,

10) *Thomam Morum*, (*Moore*), Ang-
lum illustrem ac celeberrimum, de
quo conf. Spicil. XXIII. p. 10. n. 35.
De *Germani Brixii* cum *Moro* con-
trouersia diximus supra. *Morus*,
Londini a. 1480. natus, post alia va-
ria munera, ab a. 1528. Angliae Can-
cellarius, vsque ad a. 1532., tandem
iussu *Henrici VIII.* Regis Angliae sup-
plicio adiciebatur, d. 7. Iulii a.
1535.

11) *Henricum VIII.*, qui paullo
post, a. 1528., *Morum* iussit esse
Summum Angliae Cancellarium, (vid.
Index epistolar. ad Er. autogr. A.
1528. n. 14.) quo magistratu *Morus*
ipse vltro se abdicauit a. 1532. Vid.
Thomae Poly epistola ad *Erasmum*
data Londino 19. Iunii a. 1532. T.
III. Opp. Er. in Append. ep. 367. p.
1752.

lem¹²⁾, esse audio,) salutandum recta diuertere, dextramque hanc cum illius dextra, musis me plane ad id inuitantibus, liberaliter coniungere. Tantum enim abest, vt Mori animum, a meo abalienatum, offensurum me arbitrer, vt etiam nihil diffidam, quin, Britanniam inuisens, eo homine, Musarum Gratiarumque cultore atque hospite, ad omnia, tanquam tum fido interprete, tum beneuolo amico, sim vsurus; nisi si forte ille ingenium suum, a multis mihi graphice depictum, ementiri atque adeo adulterare velit. Id quod, fat scio, haudquaquam facturus est, potissimum vbi ex litteris tuis intellexerit, non solum quod ego sim oblitus simultatis illius inauspicatae, fati nescio cuius iniquitate inter nos olim habitae, verum etiam quod obuias per me vlnas porrigam, extincta prorsus omni illa discordia, pedibus manibusque in concordiam amicitiamque perpetuo secum foedere, quod felix faustumque sit, ineundam, componendam, stabiliendam, descendere. Sed de hoc iam satis. Laborum tuorum, (vt, quod primo in epistola tua loco tetigisti, ad id postremo hic respondeam,) tot iam monstris debellatis exantlatorum, non est, cur te, Erasme, pigeat poeniteatue, quum per eos haud paulo plus aduersariis tuis ignominiae, quam tibi gloriae, qua tamen maior esse nulla potest, sit paratum. Neque certe ipse existimo, Mineruae, ingeniorum praefidis, in te indignatione, sed summa potius indulgentia ac benignitate, obiectum

B 2

te

12) *Thomam Wolsacum*, (*Wolsey*), Cardinalem Eboracensem, obscuro loco natum, verum summae apud *Henricum VIII.* dignitatis. Fuerat hic *Wolsaeus* a. 1513. Episcopus Tornacensis in Belgio, a. 1514. Episcopus Lincolnienfis in Anglia, ab a. 1515. Archiepiscopus Eboracensis, (*York*),

Paullo post creatus Cardinalis et Angliae Cancellarius, nunc primus erat ac summus *Henrici VIII.* amicus, et vere Rex. Sed miser tandem, muneribus ac bonis priuatus, Eboracum remissus, tum vero in ius vocatus, in itinere a. 1530. obiit, aegritudine confectus.

te antea fuisse tot praeclaris illis certaminibus, quibus exitu tam felici defunctum vidimus. Intelligit enim illa, id quod iis, quorum curam suscepit, re etiam probare vult, eam esse rerum laudatarum atque honestarum naturam, vt, quo magis eas premere et affligere tentas, hoc magis exfurgant atque inualecant, malorum conatu in contrarium erumpente. Itaque, quod antea semper fecisti, in id toto conatu perpetuo incumbere, vt tu, scilicet de litterarum studiis optime meritus, tum illarum hostibus perpetuam ignominiae notam inuras, tum tibi perennem aeternamque gloriam dextro semper Apolline pares. Bene vale, et me, vt amas, ama. Lutetiae, VI. Id. Maii, MDXXVII.

Eloquentissimo D. Erasmo Roterodamo.

(*Sigillum integrum.*)

Quae nunc sequitur, GERMANI BRIXII ad *Erasmum* Epistola, data *ex Aula Regia*, VI. Id. Nouembr., i. e. d. 8. Nouembris, Anno 1530. (v. Index h. a. n. 23.) est prolixa et duplex. Priori enim nouam adiecit Brixius. Prior multis verbis depingit et summopere laudat *Cardinalem Augustinum Triuultium*, Lutetiae tum versantem, in aula *Francisci I.* Regis Galliae, excitatque *Erasmum* ad litteras ei mittendas, tanto Principe, *Erasmi summo Patrono*, dignas etc. In epistola, adiecta priori, loquitur Brixius de *missis sibi ab Erasmo* aliquot *Chrysostomi homiliis manuscriptis graecis* in Epistolam ad Romanos, a se *latine vertendis*, et postea ab *Erasmo* per *Frobenium* edendis; narrat, quid *Rex Galliae* dixerit ac promiserit sibi, (Brixio,) rem totam indicanti *Regi*; addit multa alia, ad illam *versionem* pertinentia.

Germanus Brixius Erasmo Roterodamo.

Hi mihi dies, vt si qui vnquam alii, multo honestissimi ac pulcherrimi visi fuere, et quidem non magis mea, quam tua etiam, Erasme, causa. Nam mihi primum renouarunt veterem amplissimi cuiusdam, viri dicam, an principis? certe principis, et magni principis¹⁾, amicitiam, illam quidem iam inde ab vtriusque nostrum adulescentia Romae initam, sed annorum plus minus viginti spatio, per vtriusque ab altero absentiam, sopitam magis, quam extinctam²⁾. Deinde iidem dies, dum nobis, hoc est, clarissimo illi, principi ac mihi, suauissimos de excellentibus saeculo nostro viris sermones pariunt, tam celebrem tamque honorificam tui mentionem inter nos intulere, vt iudicare vix habeam, vtri ex ambobus nobis iucundior, dulcior, suauior, ea extiterit. Talem enim idem ille erga te voluntatem, tam propensum tui studium, prae se fert, vt in te non solum amando, sed etiam laudando, extollendo, admirando, ne mihi quidem ipsi (nihil me amplius dicere posse puto) concedat. Quae ex re apud me ille obtinuit, vt, quum ipsi in praesentia, non tuo magis, quam meo proprio nomine, magnopere me debere profiterer, (quidni autem id facerem? ad quem videlicet tuae in vtramque partem apud quosuis existimationis bona pars, pro mutua, et ea magna inter nos necessitudine, quodammodo redundat!) tum vero mecum ipse statuerem, prima quaque nostra ad te epistola te de illius tam prolixo erga te animo non celare. Tua enim referre putauit, id tu vt rescisceres, et simul per

B 3

otium

1) *Augustini Triunulii*, Eccl. Rom. Cardinalis, (vt ex epistola ipsa patet,) hoc anno Legati *Clementis VII.* Pontificis Romani ad *Franciscum I.* Gal-

liae Regem.

2) Igitur *Germanus Brixius* circa annum 1510. *Romae* versatus erat.

otium istud ad illum litteras dares, quae quidem indices, ac perpetuae quodammodo testes existerent mutuae item tuae erga illum voluntatis atque amoris. Id quod te etiam ultro facturum (qui tui animi candor esse solet) non nesciebam, si modo tibi aliunde, quam ex meis ad te litteris, rem ipsam utcumque olfacere contigisset. Quo magis illustres atque expressae tuae ad illum litterae esse debent, quum tibi per Brixium, hoc est, per hominem tibi amicitia veteri et ea perquam fideli coniunctissimum, ob idque nihil adfingentem, res eadem innotuerit. Peccatum autem, atque adeo flagitium non leue abs te esse admittum crederem, nisi eum redamares, qui tam tui amans, tam de te recte sentiens, tam honorifice loquens, tua omnia, sic ut qui maxime, probat, commendat, admiratur. Sed ne te pluribus suspendam, is est Augustinus Triultius, Romanae ecclesiae Cardinalis ¹⁾, vir, ut summa generis nobilitate (id enim familiae ipsius vel nudum nomen satis arguit) insignis, ita summa, tum humanitate, tum doctrina, tum sapientia, illustris.

Hunc

2) Fuit hic *Augustinus Triultius* (*Triulzio*) Antonii Triultii Cardinalis, anno 1508. mortui, fratris (*Aloysii*) filius, genus ducens ex illustri apud Mediolanenses familia; ex Abbate Froimontensi, Camerarius *Iulii II.* Pontificis Romani; a *Leone X.* Protonotarius, et anno 1517. Cardinalis Diaconus creatus; posthac Episcopus Baiocensis (*Bayeux*) et Toulonensis, (*Toulon*,) in Gallia, tunc Episcopus Bobiensis (*Bobbio*) et Novariensis, (*Novara*,) in Italia, tan-

dem Archiepiscopus Regiensis; (*Reggio*,) Legatus *Clementis VII.* in Campania Romana; Roma anno 1527. a Caesareis capta, cum duobus aliis Cardinalibus Obses, Neapoli in castello nouo per octodecim menses captiuus; postea ad *Franciscum I.* Galliae Regem missus, tum a *Clemente VII.*, tum a *Paulo III.*, Triultii praecipue ope anno 1534. electo; tandem sub finem Pontificatus Pauli III. Romae mense Martio A. 1548. mortuus.

Hunc ego Romae olim Iulii pontificis ⁴⁾ tempore peradulescens peradulescentem (aequales sumus) cognoui, in eiusque amicitiam ac consuetudinem per studiorum elegantium causam (quae ille iam tum audidissime sectabatur) insinuare adlaboravi, etsi non erat adlaborandum; erat enim etiam tum in illo humanitas, qualis nunc, non infortitia et inducta, sed ita genuina ac nativa, ut eam ille omnibus, de studiosis potissimum loquor, obuiam et expositam prae se ferret. Nam doctrinam ac sapientiam reliquasque virtutes, quae in eo permultae florescunt, sic ille postea excoluit, exornavit, adauxit, ut a Leone pontifice ⁵⁾ in amplissimum Cardinalium collegium adlectus ⁶⁾, sacrosancti illius collegii veluti choragus, collegas suos omnes in sui amorem, admirationem, venerationem in primis attraxerit. Non ignoro, ut de pictore ac sculptore non nisi artificem solum recte iudicare, ita doctum ac sapientem non nisi a docto ac sapiente vere perspici posse; sed tamen, quantum mihi doctrinae ac iudicii huius mediocritate assequi datum est, tot certe ac tantae in Triultio Cardinali ⁷⁾ virtutes apparent, elucet, splendescunt, et ita splendescunt, ut illis, vel qui mediocriter sapiat, vehementissime afficiatur. Me quidem ipsum, horum aliquot dierum cum illo consuetudine, usque adeo inescarunt, affecerunt, ac veluti fascinarunt, ut iam non alius illo vno magis me teneat, habeat, possideat. Et hercule magna est in illo comitas, rara in illius sermone urbanitas, rara etiam in ore

4) Iulii II. Pontificis Romani ab a. 1503—1513.

6) Anno 1517.

5) Leone X. Pont. Rom. ab. a. 1513—1521.

7) Conf. Oldoini Athenaeum Romanum, et Palatii sacri Cardinalium.

ore ipso vultuque iucunditas; et ea quidem omnia (quod ego vt difficile, ita permagnum esse puto,) pari grauitate coniuncta. Adde huc vitam inculpata, mores vt suauissimos ac candidissimos, ita integerrimos ac laudatissimos, et in omni commendationis genere ad exemplar antiquitatis expressos. Iam vero quid dicam de ingenio excelso, sublimi, dulci, vario, acuto, facili, erudito? Quid de iudicio acri, polito, terso, limatulo? ad quod quidem, vt veterum, ita recentiorum auctorum scripta, veluti ad amussim rectissimam, Aristarchi in morem expendit. Quo maiore in honore ac pretio habenda tibi est tanta principis tot ac tantis virtutibus illustis erga te benevolentia; praefertim quum ea non aliunde nata sit, quam ab nudo istius ingenii amore ac doctrinae admiratione. Falli equidem possim, sed consentaneum tamen esse puto, multis illum virtutibus abundare, qui alienarum tanto amore ducitur. Et certe praeter has item, quas modo connumeravi, quae testatae quidem sunt et illustres, insunt et aliae in illo virtutes permultae, quas vix verbis assequi possim. Vt etiam omittamus tanta illa virtutis quae gestat insignia, quae ipsa, vt multi etiam sine virtute sint assecuti, tamen tanti semper ab aetatis nostrae hominibus aestimata sunt, vt eum summis quibusque regibus dignitate parem efficerent, in quem collata illa fuissent. Hic tu fortasse me putes indulsisse amori erga Triuultium meo, supraque illius laudes, quam veritas patiatur, extulisse. At ego fide media tibi spondeo, longe etiam maiores illas esse, quam a me hic praedicatae sint. Illum quidem certe obseruo et amo; quis enim Cardinalem virum non amet, tot tantisque virtutibus praestantem? Sed hoc ipsum amantis est, suis illum duntaxat laudibus ornare, non alienis onerare. Itaque hortor te, Erasme

sua-

suauissime, et, si pateris, etiam oro atque obtestor, vt tantam Cardinalis, non cuiuslibet, sed Triuultii, in te voluntatem, obuiis, quod aiunt, vlnis exceptam, epistola quapiam, et te et illo dignissima, primo quoque tempore prosequaris⁸⁾. Quam quum ad me miseris, illi ego in manum tradam; est enim ille adhuc nobiscum ad menses aliquot futurus. Crede mihi, erit tibi tanti Cardinalis non amicitia solum dulcis ac iucunda, sed patrocinium quoque tum amplissimum, tum honorificentissimum. Tanta enim ille (hoc te nescire nolui) in suo collegio gratia atque auctoritate valet⁹⁾, vt illi ex collegis paucos conferre, (nihil volo elatius de modestissimo viro dicere,) neminem anteponeere possis. Tuas audissime exspecto. Ex Aula Regia¹⁰⁾, VI. Id. Nouembr. MDXXX.

Scriptis his litteris et iam obsignatis, accepi tres simul a te epistolas¹¹⁾, vnā plusquam laconicā, alterā satis iustā, tertiam plusquam asiaticā, nisi quod stilus ipse atticissimum magis redolet, omnes datas Friburgi, per eosdem fere dies, vnā cum nescio quot homiliis Chrysostomi graecis in epistolam ad Romanos manu scriptis, a nemine adhuc versis, ad me hoc nomine a te missis, vt per me latine loquentes ad te redeant,

mox-

8) Scripsit *Erasmus* ad Cardinalem *Augustinum Triuultium*, prouocans ad has, quae nunc tandem ex Autogr. in lucem prodeunt, *Germani Brixii* litteras. *Erasmi* vero epistola edita exstat Tomo III. Operum p. 1350. sequ. ep. 1156. data apud Friburgum Brisgoiae, 30. Ianuarii, Anno 1531. Respondit *Erasmo* Cardinalis litteris forte deperditis, sane nusquam editis. Hinc alia *Erasmi*

ad Cardinalem epistola legitur ibidem p. 1398. sequ. ep. 1183. data apud Friburgum Brisgoiae, 12. Aprilis, Anno 1531., in qua ille iterum *Brixii* hanc nostram epistolam laudat, et Cardinali respondet.

9) Fuit *Triuultius* in Cardinalium collegio Protector Regni Galliae.

10) *Francisci I.* Regis Galliae.

11) Periisse videntur.

moxque per Frobenium istum ¹²⁾ in lucem ad studioforum utilitatem prodeant. Nam et mihi tempus ipsum praescribis ac praefinis, intra quod vis a me hoc pensum absolui. Sed de tota hac re plura aliàs per otium matus; verfor enim hic in aulico strepitu, et eo rusticano, non vrbano, vt intelligas, nobis minus libertatis, minus tranquillitatis suppetere. Interim vt certior a me fias, (nam hoc ipsum in primis exigis,) quali sim ad eam prouinciam animo, equidem non solum animatus, sed et paratus quoque sum ad tibi hac in parte obsequendum, si quidem vires meae huic muneri obeundo pares erunt, vt fore confido; nisi quid altius ac magis abstrusum in reliquis homiliis, quam in duabus primis, delite scat, quas ipsas statim ἀπνευστὶ totas perlegi, vna cum ipso auctoris prooemio, quod iam a me versum vna cum primis quibusque nostris ad te ibit, et quidem vt tu tum hanc telam mihi iam exorsam intelligas, tum ad prooemii versi gustum et reliqua expectes. Nam ego sic me totum iam, pridem ad tuam, Erasme amicissime, conformaui voluntatem, sic me totum ad tuos etiam nutus omnes obseruandos composui, vt nihil iam sit, praesertim in hoc ipso obsequii genere, quod non statim atque mandaueris, omni conatu, manibus pedibusque, curandum atque exequendum suscepturus sim. Et certe hac ego in re non fallam expectationem tuam. Nam et alioqui mihi ab ea versione discedere iam integrum haudquam fuerit, nisi cum nominis nostri iactura, et quidem luculenta. Rem enim totam Regi ipsi ¹³⁾ indicaui, te homilias easdem ad me graecas misisse, vt latine per me loquerentur; ad quem

¹²⁾ Hieronymum Frobenium, Ioannis Frobenii a. 1527. mortui filium, Typographum Basileensem.

¹³⁾ Regi Galliae, Francisco I.

quem ille me laborem, pro suo in Chrysostomum studio, non vulgari quidem illo, sed eximio, etiam atque etiam hortatus est, et ita hortatus est, vt adderet, sese laborem nostrum digna aliqua mercede compensaturum. Itaque labor idem, non tuo tantum hortatu, sed regio quoque auctoramento, a nobis susceptus, audebit haud ita multo post tempore in hominum manus ventitare; quamquam, quod ad me attinet, haec me vna merces mouet: gloria, non illa quidem mea, sed tum Pauli, tum Chrysostomi, cui vtrique propensissime inferuio, et praeterea litterarum diuinarum honos ac profectus. Proinde hunc nos laborem eo etiam studiosius atque animosius suscepturi sumus, partim quod vnâ tecum ipsi sentientes ex caeterorum Chrysostomi scriptorum vsu quotidiano aperte deprehendimus, illas ipsas homilias *γρηγοριους* esse, non *νέθας*: partim quod eadem a nemine antea versae ad Latinos nondum peruenere. Ad meum autem honorem pertinere, amici volunt, apud eos praesertim, quibus, naturae vitio quodam peculiari, alienae existimationis candor inuisus ingratusque esse solet, vt versio aliqua a nobis exeat, quae tota nostra sit, ac non etiam cum aliis communis, et quidem vt illis quandoque probatum sit, posse etiam nos versari in ea arena, quae nullius pedibus sit calcata; quamquam in eam ego sum adductus opinionem, vt existimem, haud multo minus de studiis mereri, qui librum ab altero male versum restituit, quam qui latinitate nondum donatum vertere aggreditur. Hic enim nudus tantum auctoris sensus ad te peruenit, quam illic, qui graeca cum latinis conferre cupiunt, iidem si ad doctrinae graecae *ἐξοχὴν* nondum peruenere, (quotusquisque autem peruenit?) duplicem fructum excerpant. Nam et ipsum auctoris intellectum capiunt, et simul admonentur, prioris interpretis

lapsus declinare, si quando forte ipsis in simili labore interpre-
 tandi versari contigerit. Tibi porro vsu identidem venire pos-
 sit, tam anceps est nonnunquam verborum graecorum intelle-
 ctus, vt, nisi diligentissime animaduertas, nisi summam caute-
 lam adhibeas, pari et doctrina et ingenio coniunctam, dictio-
 num similitudo graecarum in illa ipsa te errata praecipitem agat,
 in quae et alius ante te ridicule impeggerit. Delectat autem
 simul et iuuat, quum per interpretem posteriorem sic cornicum
 oculos, quod aiunt, confixos videas, vt errare amplius ac labi
 iisdem aut similibus in vocibus non possis. Vulgo dicunt, ho-
 minem praemonitum duobus aequipollere. Adde huc, quod
 hac quidem ratione, nisi fallor, tardiores ad vertendum acce-
 dunt impostores ii, quos nullo pudore ac delectu, magna stu-
 diorum pernicie, aduolare videmus ad graecorum auctorum illo-
 rum, vel illorum claritatem (vt ne quid grauius dicam) infan-
 tiae atque ignorantiae suae tenebris obscurandam; dum per con-
 victae impudentiae alienae exemplum subuerentur, ne qua talis
 olim versionibus suis ignominiae atque adeo inscitiae nota inura-
 tur. Sed de hoc plura alia. Iam enim ad eam prolixae epi-
 stolae tuae partem festino, in qua tu mihi artificiose nimis ipsa-
 rum homiliarum laborem leuiorem facis. Quid? Germani
 Brixii, inquis, nomen iam illustre est, et librum emtori per
 se commendat. Magnum lenocinium est auctor gratiosus. Ita-
 ne vero tibi gloriolae appetens visus sum, vt me hoc artificio
 incitare, me hoc veluti lenocinio eo pertrahere volueris, quo
 destinaueras? Certe, vt non auerfor qualemcunque tuam ex-
 hortationem, praesertim ad id genus laboris suscipiendum, ex
 quo studiis ipsis opem afferre aliquam possim; ita nec agnosco,
 nec amplector, quas tu mihi laudes *ταῖν ἀμφοῖν* congeris. Quid
 quod

quod et me tibi tanquam socium esse vis? dum homiliarum vertendarum partem mihi defers, partem tibi desumpturum scribis, quo leuior sit sudor a nobis suscipiendus. Me ne tibi socium, Erasme, qui tantum vtraque lingua vales, vt ea magis videre excellere, qua te vel scribere aliquid vel loqui contigerit? Ingenue fatebor, nec me hoc fatentem pudebit, certe quum tua lego, sentio ex comparatione, quam malè scribam: quamquam carum est, quod a te ipse tanti fiam, vt me in istius gloriae consortium, in laboris tam honesti societatem, vocare non dedigneris; quam sane societatem a te mihi humanissime delatam, (qui ingenii tui candor esse solet,) hac in parte mihi admittendam ea, quam dixi, ratione, nunquam mihi ipse persuadebo. Vereor enim (quod memini me tibi aliàs scribere) rosae et anemonae coniunctionem ac collationem. Ita lubens ipsum homiliarum opus vniuersum mihi vertendum desumpserim. Hoc autem per te mihi vt liceat, malim, quam in huius vel laboris, vel gloriae, societatem, tanquam in equum troianum, tecum includi. Quam solidam gloriam si mihi non inuideris, optarim ipsum, quod praescripisti, tempus prorogari. Me quidem certe fateor, intra praescripti eiusdem terminos, operis confectionem qualemcunque tibi praestare posse. Sed tamen, qui reliquis Chrysostomi scriptis, quae nos antea te auctore et hortatore vertimus, diligentiam (quam tu nobis tamen, si musis placet, lentitudinis nomine coniunctam obiiicis,) seruare volumus; ita enim solemus, qui doctrinae atque eloquentiae parum fidimus. Si quid forte indiligentia homiliis iisdem vertendis peccatum a nobis fuerit, crede mihi, superioris a nobis diligentiae ratio exigetur, non excusabit obsequium. Mihi porro et alioqui, quoties aliquid sum editurus, ἡ κύων

ὑπὸ σπαδῆς πολλῆς τυφλὰ τίκτουσα memoriae meae assidue ob-
versari solet. Itaque hac in vna temporis praescriptione velim
patiaris me tibi eodem animo repugnare, quo in omnibus obse-
qui soleo. Malo enim famae propriae, quam Frobenii tui ⁽¹⁾
commodis, inferuire, quam ipsam solidiorem efficit meditatio-
num nostrarum fera, quam praecipitata, editio. Notum tibi
Homericum illud: ὄψιμον, ὀψιτέλεστον, ἔκ κλέος οὐκ ἀπολεῖται.
Iterum vale.

D. Erasmo Roterodamo, Vtriusque eloquentiae
aetate nostra facile principi.

Quod superest, indicimus Vobis, Cives Optimi, Sacra
Pentecostalia, proximo die XII. Mensis Maii in Aede Acade-
mica pie ac religiose celebranda. Orationem anniuersariam
hora XII. inter Sacra eucharistica habebit Nobilissimus CARO-
LVS FRIDERICVS GROSSMANNVS, Leitersdorfio - Silesius,
diligentia morumque probitate maxime se commendans omni-
bus, dicturus de *eximia Religionis Christianae dignitate*. Ad
quam Orationem audiendam vt frequentes confluat, SERE-
NISSIME DVX HOLSATIAE, COMITES ILLVSTRIS-
SIMI, VTRIVSQVE REIPVBLICAE PATRES ac PROCERES
GRAVISSIMI, COMMILITONES GENEROSISSIMI, NOBILIS-
SIMI, omni, qua decet, obseruantia et humanitate rogamus.

P. P. Lipsiae, Domin. Exaudi, A. R. S. c l o l o c c x c i x.

14) Hieronymi Frobenii, Typographi Basileensis. Conf. adnot. 12.

L I P S I A E,

EX OFFICINA KLAVBARTHIA.

7



